


第二一二冊

方輿彙編
邊裔典

日本部
瀛洲部
夷洲部
州胡部
裨離部
三
四
(卷)
女國部
文身部
豆莫婁部
蝦夷部
儋羅部
渤海部
鐵驪部
兀惹部
蒲奴里部
易蘇館部
蒲盧毛朶部
定安部
東方未詳諸國部
西方諸國總部
長股部
渠搜部
焦僇部
奇肱部
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

古今圖書集成

中華書局影印



古今圖書集成

中華書局影印

欽定古今圖書集成方輿彙編邊裔典第三十七卷目錄

日本部彙考五

明四嘉靖三則

邊裔典第二十七卷

日本部彙考五

明四

嘉靖三十六年擒獲王直官軍屢擊賊敗之

按明外史日本傳倭遣其屬善妙等隨直來貢市於三十六年十月初抵舟山之岑港將吏以爲入寇也陳兵備直乃遣王澈入見宗憲謂我以好來何故陳兵待我澈即毛海峰直養子也宗憲慰勞甚至指心誓無他俄善妙等見副將盧鏗於舟山鏗令擒直以獻語洩直益疑宗憲開諭百方直終不信曰果爾可遣澈出吾當入見宗憲立遣之直又邀一貴官爲質即命指揮夏正往直以爲信遂與宗滿清溪偕來宗憲大喜禮接之甚厚令謁巡按御史王本固於杭州本固以屬吏澈等聞大恨支解夏正焚舟登山據岑港堅守逾年新倭大至屢寇浙東三郡其在岑港者徐移之柯梅造新舟出海宗憲不之追十一月賊揚帆南去泊泉州之浯嶼掠同安惠安南安諸縣攻福寧州破福安寧德

按籌海圖編嘉靖三十六年二月賊犯營前沙同知熊輝提兵守崇明縣聞警即馳擊之賊乘風夜遁四月賊攻海門縣應襲百戶俞憲章死之五月賊犯揚州府總兵盧鏗等大敗之賊入海子內爲東甯所敗至灣頭鏗等復擊敗之斬首一百七十餘級賊入寶應縣先是揚州東關及瓜州俱有城堡賊至揚州不得掠乃從高郵至寶應縣寶應素無城焚掠殆盡賊犯天長縣都指揮沃田把總岳君寵禦戰死之六月副使于德昌參將王元伯劉顯擊泗州賊破之時賊掠泗州爲官兵所敗德昌等會擊之頭身先士卒殺紅衣賊首一人羣倭大亂元伯督兵乘之賊大潰敗追及於舟所水兵復自下應之賊死者無算賊遁出海總兵劉顯敗之於安東千戶汪時中敗賊於廟灣匣子港賊潛遁是年四月浙江賊犯定海關賊舟漂至沈家門副使王詢總兵俞大猷令把總張四維誘降賊五十三人至定海關道別艘賊殺俞憲章恐其中變悉斬之而移兵擊新至者賊敗宵遁十一月賊首王直款定海關要互市胡宗憲誘擒之王直擁倭稱降志在互市總督胡宗憲檄總兵盧鏗駐中所授以成算必欲生致之鏗殫心竭力撫循備至直猶豫未決計無所出宗憲復遣生員方大忠往說之與把總劉朝恩陳光祖指揮夏正通判吳成器等偕行鏗以城外倭刃森列慮變不肯啓鑰朝恩曰若是是益疑賊也不若以禮諭之以誠招之保無他虞鏗從之朝恩等馳至賊所直見皆單騎伏迎道左大忠反覆開諭直曰公等皆督府親信輕身臨辱直小人也敢不惟命遂聽大忠計見鏗於城中誘致定海而執

之夏正以此不得還是年三月福建賊犯省城賊於舊臘自連江洪登陸就據爲巢至是復自流江至小礮水寨遂犯省城沿城焚掠擄去戰艦二十有奇又焚燬四十餘艘十月賊攻連江縣官兵擊退之賊乃宵遁先是北茭灣原屯倭寇進無所掠乃遁出洋遇新至賊船遂會艘進攻連江官兵以矢石殄其精悍者四人明日分門四進又擊敗之乃夜遁如拱嶼澳出洋

按謝顯紀擒獲王直云王直者欽人也少落魄有任俠氣及壯多智略善施與以故人宗信之一時惡少若葉宗滿徐惟學謝和方廷助等皆樂與之遊聞書相與謀曰中國法度森嚴動輒觸禁執與海外乎逍遙哉直因問其母汪姬曰生兒時有異兆否汪姬曰生汝之夕夢大星入懷傍有異冠者詫曰此孤矢星也已而大雪草木皆冰直獨心喜曰天星入懷非凡胎草木冰者兵象也天將命我以武勝乎於是遂起邪謀嘉靖十九年時海禁尚弛直與葉宗滿等之廣東造巨艦攜帶硝磺絲綿等違禁物抵日本暹羅西洋等國往來互市者五六年致富不貲島人大信服之稱爲五峯船主則又招聚亡命若徐海陳東葉明等爲之將領傾貲勾引倭會門多郎次郎四助四郎等爲之部落又有從子王汝賢義子王澈爲之腹心會五島寇爲亂直有宿憾於寇欲藉手以報及以威攝諸島乃請於海防將官而勦之無子遺者而聲言宣力本朝以要重賞將官餽米百石直以爲薄大詬投之海中從此怨中國頻入內地侵盜直又嘗以扁舟泊列表恭將俞大猷驅舟師數千圍之直以火箭

突圍去怨中國益深且眇官軍易與也乃更造巨艦聯舫方一百二十步容二千人木爲城爲樓櫓四門其上可馳馬往來據居薩摩州之松浦津偕號曰京自稱曰徽王部署官屬咸有名號控制要害而三十六島之彝皆其指使時時遣彝漢兵十餘道流劫濱海郡縣延袤數千里咸遭荼毒而福清黃巖昌國臨山崇德桐鄉諸城皆爲攻墮焚燔廬舍擄掠女子財帛以鉅萬計吏民死鋒鏑填溝壑者亦且數十萬計比年如是官軍莫敢攖其鋒但爲計殺謫每殘破處必詭云某島寇所爲也故東南雖知王直之叛而不知受禍之慘皆由直者獨總督胡公宗憲前按兩浙時見賊進退縱橫皆按兵法知必有坐遣無疑先是間使徽州收其母妻及子於金華府獄中至是出之豐衣食潔第宅奉之以爲餌而疏請以移論日本禁戢部彝爲名其實注意伺察王直也上從之公乃遣寧波生員蔣洲陳可願假市舶提舉名色充正副使以往瀕行公以密計授洲等曰王直越在口外難與角勝於舟楫之間要須誘而出之使虎失負隅之勢乃可成擒耳又曰王直南面稱孤身不履戰陣而時遣偏裨雜種侵軼我邊圉是直常操其逸而以勞疲中國也要須宣布皇靈以攜其黨使窮髮皆知向化則賊之勢自不能容然後導之滅賊立功以保親屬此上策也洲等領計敬諾而行居無何倭酋童二被擒訊道直事甚悉與公所料不爽毫髮中外始曉然知狀於是上以公灼見禍本降璽書褒勞而闕外之事一以委公公得旨規羅益密御史金潮陶承學交章請立賞格有能主設奇謀生擒王直者封伯爵予

萬金部議從之詔曰可嘉靖三十四年十一月洲等至五島遇王激道以移論事激曰無爲見國王也此間有徽王者島人所宗今渠傳諭足矣見國王無益也明日直出客館見洲等推髻左衽旌旗服色擬王者左右簇擁洲等心動坐論鄉曲設酒食相對情款方治洲等曰總督公遣洲等敬勞足下風波無恙直避席曰直海介通臣總督公不曳尺纏牽而鞠之而遠勞訊使死罪死罪洲等曰總督公言足下稱雄海曲志亦偉矣而公爲盜賊之行何也直曰總督公之聽誤矣直爲國家驅盜非爲盜者也洲等曰是何言歟足下招聚亡命糾合倭寇殺人剽貨坐分鹵獲而爲之辭曰我非爲盜者是何異於晝夜操苦以臨人之地執之則曰我非盜魚者爲君護魚者也雖三尺童子知其必不然矣直語塞洲等曰總督公統領官軍十萬益以鎮溪麻寮大刺土兵數萬燦燿雲屯戈矛兩注水陸戒嚴號令齊一而欲以區區小島與之抗衡是何異於騁螳臂以當車轍也又曰總督公推心置腹任人不疑拔足下壽母令妻於獄中館穀甚厚則公之心事可知矣何不乘機立功以自贖保全妻孥此轉禍爲福之上策也直默然而罷乃挾洲等巡數小島而還而從此風聞外裔隨其頤指者頗小變而叛賈倚直爲淵藪者多有離心直始不安於彼矣初直聞母妻爲戮心甚忿欲犯金華及閩洲等言無恙又竊自喜於是始有渡海之謀日夜集所親信者計之謝和等曰今日之舉未可冒昧以往也當遣我至親爲彼所素信者先往宣力以堅其心待彼不疑然後全師繼進始可以逞直笑曰妙算也遂托宣

諭別國爲名留蔣洲在島令葉宗滿王汝賢王激同陳可願回至寧波詰之皆云宣諭未至時徐海陳東已擁薩摩洲倭過洋入寇矣今王直歸順先遣葉宗滿等投效力成功之後他無所望惟願進貢開市而已公得報已揣知其計姑從所請疏奏上許之公喜曰寇在掌中矣先是海中倭寇敗沒有零寇百餘據舟山爲亂公遣葉宗滿協助官軍剿之盡殲焉公疏上功次犒賞有差王激笑曰此何足賞若吾父至當取金印如斗大嘉靖三十五年徐海等果擁衆十餘萬寇松江嘉興諸郡甚急聲言欲下杭城取金陵勢張甚公乃謀之王激等以觀其意激等初欲小試慫慂故甘心於舟山之寇至於徐海陳東等正其所倚以圖大事者且欲速直來共濟乃辭曰是非吾所能辦須吾父來乃可耳遂留夏正童華邵岳輔王汝賢在軍門自以招直爲名與葉宗滿開洋去是年徐海陳東葉明等以次就擒總督宗憲胡公恐形跡彰露委心雷用王汝賢等撫摩若親子然葉宗滿兄弟並加禮遇時時對將吏士民曰王直非反賊順輒強不一見我見我當有處也直聞公意指謂公誠機可欺欲乘機以全親屬且未知徐海等敗沒以爲縱不如所料亦可與之應援得志而去遂決策渡海先遣蔣洲次遣王激葉宗滿等率銳卒千餘人執無印表文詐稱豐洲王入貢先泊岑港據形勝分布已定直乃與謝和等慷慨登舟釀酒誓衆曰命大猷昔嘗破我於列表泊岸時須謹備之公當直未至時已度其有隙諒調俞大猷於金山而以總兵盧鐸代之盧鐸者舊與王激等從事舟山同飲食撫循倭人備至直

坦然不疑惟日聚羣倭礮兵刃伐竹木爲開市計且索母妻子弟求官封時公計已定仍姑列狀上請以安其心上已知直爲釜魚智力俱非胡公敵乃顯詔王直既稱投順却挾倭同來以市買爲辭胡宗憲可相機設謀擒斬不許疎虞致墮賊計公奉詔祕而不宣夜馳至寧波府城圖方略密調參將戚繼光張四維等督諸健將埋伏數匝水陸要害星羅棋列魚鳥莫度乃以夏正等爲死間諭直曰汝欲保全家屬開市求官可以不降而得之乎帶甲陳兵而稱降又誰信汝汝有大兵於此即往見軍門敢留汝耶死生有命當死戰亦死降亦死等死耳死戰不若死降降且萬有一生焉直拂然不悅而公與其所親信王澈葉宗滿先遣來見者連牀臥因伴露諸將請戰書十餘篇於几案間王澈等竊視驚怖夜半公作醉夢中語云吾欲活汝故禁諸將不進兵汝不求休怨我也含糊其辭吐滿牀王澈等漏之於直直始疑之公又使直于澄嚙指血寓直書云軍門數年來恩養我輩惟願汝一見使軍門有辭於朝廷即許眷屬相聚汝來軍門決不留汝藉令不來能保必勝乎空害一家人耳又使生員方大忠往來游說直猶豫未決公以直執戀寧港已踰五旬察其心神終屬觀望乃開關揚帆示欲進兵直探知四面兵威甚盛終無脫計且知徐海陳東葉明等敗沒孤立無援因嘆曰昔漢高祖見項羽鴻門當王者不死縱胡公誘我其奈我何乃曰部兵無統欲得王澈攝之公知海上諸賊惟直多智習兵久雄異域得人心爲難制其餘皆亂子輩無足慮諸將亦云以大易虎不可失也遂遣激往直

乃桀然入定海關詣軍門謁見公時嘉靖三十六年十一月也公就命軍吏執之押付按察司獄乃集三司諸大夫參議曰王直始以射利之心違明禁而下海繼忘中華之義入番國以爲奸勾引倭寇比年攻劫海宇震動東南繹騷雖稱悔禍以來仍欲挾倭而求市上有干乎國禁下貽毒於生靈惡貫滔天神人共怒問擬斬罪猶有餘辜公具疏上請得旨斬直於市梟示海濱妻子給功臣之家爲奴王汝賢葉宗滿俱從未減遠充軍王澈出洋爲颶風所覆其餘從賊魚散鳥驚奔聚山谷公親督官兵掃除黨與皆絕嘉靖三十九年二月兵部始以封賞之議上請詔曰大愆既除海氛已靖部議報謝徐徐可也胡宗憲司太子太保都察院左都御史兼兵部左侍郎蔭一子錦衣衛副千戶其餘有功者陞賞有差

嘉靖三十七年二月賊會毛烈據舟山之岑港寇浙江諸郡縣胡宗憲大敗之是年倭寇犯福建及廣東揭陽亦爲官軍所敗

按明外史日本傳嘉靖三十七年四月遂圍福州經月不解福清永福諸城皆被攻燬蔓延於興化奔突於漳州其患盡移於福建而湖廣間亦紛紛以倭警聞矣

按籌海圖編王直既就擒毛烈等欲爲之報仇不肯還島而據岑港分跡出掠官兵屢攻之不克都指揮戴冲霄等擒王直謝和餘黨頭目陳秀山等陳秀山王信郭喬恕等直部下酋項松吳九等十五名和部下酋也賊攻樂清縣城賊舟入石馬港者甚衆即進縣城副使袁祖庚衆將張鉄逐之至和尚鼻與太平

流寇合兵凡五千餘人三月百戶秦杭與賊戰於樂灣死之四月指揮劉茂朱廷鎰千戶周賓百戶李爵劉源與賊戰於白巖塘死之致仕僉事王德與賊戰於龍灣死之良醫王沛與賊戰於梅頭嶺死之賊攻台州府賊艘二十餘入臨海島朱門劫松門寨寇台州象山桃渚又有繼至之賊與合爲一進攻府城僉事李三畏知府譚綸率兵勦之追至隘頭所海濱大敗之溫州賊過太平縣與史葉宗與戰死之倭寇分攻象山寧海仙居諸縣倭船數十入泊石馬林港分攻諸縣自三月至五月終爲衆將戚繼光敗走賊攻溫州府官兵討平之時台州賊復合樂清賊攻溫州府總督胡宗憲遣參將戚繼光追擊之及於盤石館大敗之賊遁出港衆將張鉄預奉宗憲方略艤舟師江濱以待斬首百餘級焚其舟數十艘賊死者無算先是賊分二支攻劫諸將知府譚綸悉擒斬之戚繼光又追及於海洋賊遂全滅六月賊犯觀海衛百戶與賊戰之犯昌國衛八月官兵進剿舟山賊巢平之十月賊犯磚頭北塔守備楊臺與賊死之是年二月福建賊犯省城三月賊犯福寧州巡撫都御史阮鶚會兵擊敗之時賊屢入寇羈徵兵會剿遇之於福寧大戰於連江等處至福清海口皆募土著應敵連戰大破之四月賊入安海城官兵追擊大敗之賊入城居民拒之不得掠倉庫事盛唐參將黎鵬舉等分兵逐之賊遁至唐店官兵連戰皆捷至水涵賊遁出海兵又擊敗之沉其二舟陷福清縣舉人陳見與戰死之賊犯閩安鎮爲參將尹鳳所敗進攻福清據門外山頭用砲乘高擊壞雉堞城遂陷見率家僮禦

賊不克與訓導鄔中涵俱罵賊死攻興化府賊自福清進攻府城越翌日不退廣兵及烏銃手殞其乘馬衣紅賊首一人從賊四十餘人各兵出城追之賊遂敗走攻惠安縣賊自興化為官兵敵退遂至惠安攻城有自水涵潛入者官兵覺而殺之於是連攻五晝夜皆被官兵敵敗賊死者百餘人乃遁官兵截之於洛陽橋又大勝之斬首五十有奇五月賊攻泉州府賊復自惠安進犯府城巡按御史樊獻科自督兵敵退之入南安縣縣故無城知縣徐光裕統民兵禦之遂被突入時民已遷避賊無所掠官兵追擊之乃遁往晉江海邊擄船出海而去參將尹鳳引舟師擊之沉其舟七斬首六十餘級生擒七人餘衆遁去風追擊至東洛外洋復敗之銃傷及溺死者甚衆攻崇武所賊別艘之新到者攻所城凡五日而後解突犯惠安知縣林咸與戰死之賊自崇武突犯惠安未寧等地方咸乘城禦之攻五晝夜不克乃引去咸率兵追擊乘勝逐北陷伏而死官兵繼至擊敗賊衆賊乃遁遁分犯同安長樂漳泉諸郡縣攻鎮東衛城提督都御史王詢遣兵追擊大敗之賊三千餘人自松下突入海口澳登陸攻衛城者二日益以新至賊千餘合勢來攻城幾不守時閩中南北海洋皆賊惟此賊獨劇且逼近會城陸走合艘勢益滋蔓詢乃多方集兵設伏扼險剪其零黨伺隙合攻仍密令水兵布於海外賊勢窮促乃遁出洋水兵乘勝逐之沉二十餘艘斬首四百餘級賊首洪澤珍引倭入寇澤珍故通番逆賊積年啓釁引倭內侵至是復引倭泊舊滬嶼盤據為巢是年正月廣東倭犯揭陽入蓬州所官兵擊

敗之先是壬子歲倭寇初犯漳泉僅二百人其間真倭甚寡皆閩浙通番之徒髡顛以從至是船十三艘賊八百人自漳泉犯揭陽縣適蓬州千戶所城崩賊遂擁入殺千戶魏岳高洪百戶李日芳等提督都御史王鈞遣副使林懋舉僉事經彥案參將鍾坤秀知府李春芳等官兵擊敗之斬首一百七十餘顆是戰也鄉夫之功居多焉十月甲子倭賊自漳州如饒平攻黃岡民鎮據其城官兵擊敗之僉事經彥案等大敗賊衆俘斬一百四十六名顆

按謝順紀舟山之捷云嘉靖戊午春二月總督侍郎胡公宗憲擒復元兇王直其餘黨泊舟山之岑港倚險列柵勢甚猖獗公命把總任錦指揮甘述宗等進泊港口之南都指揮李涇指揮張天杰等泊港口之北總兵俞大猷等以福船并叭喇鳥船八隻串網船往來策應指揮周官土官彭志顯領大刺土兵由中路小河嶺入指揮楊伯喬唐鑑土官張領鎮溪麻寮兵由右路碗礪入參將戚繼光率部兵由左路小嶺入而指揮楊永昌盧鎬鮑尚瑾方昇通判吳成器等分道策應參政王詢調肅副使陳元珂則監督之約期水陸並進直抵賊巢時都指揮戴冲霄先用火攻殺傷頗多公計全捷俱惟首功禁取級以妨前進我兵蹂躪而戰賊大敗奔舟忽港側砲聲大震復擁衆登陸抄後死戰我兵後哨稍卻前鋒四擊衝賊乃斂營固守公以番僧德陽稱貢而來賊酋為聲援可計而離也乃潛縱之令吳成器遣謀持信票數百入巢散其脅從由是賊勢日孤為守益堅公又檄諸將曰賊所以負固死鬪者蓋春汛已及計有新倭可

為應援若哨擊稍疎必流突與合矣此非小利害也其督舟師預為哨探之計無何果有倭船泊普陀小頭參將張四維推官查光述等督兵且戰且逐至烏沙門外洋賊遂潰敗俘斬四十餘級賊走登烏沙懸山即朱家尖山也公策此賊與岑港之寇相距不遠陸路必由碗礪水路必由響礁門乃檄諸將設伏以待已而賊果由二處奔沈家門與岑港合艘公不得已親蒞定海分遣將領各與信地福船由岑港南口廣船由岑港北口宣撫田世爵都指揮何本源等兵由馬巽至張礪一由寺嶺至三官堂一由小嶺至聚水塘進而以陳元珂張四維往來監督又遣奇兵由天童還揭賊船仍近賊巢半里許列一老營以劉燾居中調度參政胡堯臣防守所城督糧糧餉旬期大舉時賊依山阻水列柵自衛火器頗多我兵陷陣先登者間多被害復檄諸將從中逼壘而陣且示以哨伏應援之規更番迭戰以耗其火藥折其銳氣又令番僧輩招之私語賊遂互相猜疑至持刀自擊我兵乘隙進攻賊衆大亂夜分縱火焚其舟死者無算餘各奔歸巢穴我兵躡之斬柵而入斬賊百餘級賊復奔柯梅嶺我兵追之火其巢廠賊勢甚遁出浦口張四維與指揮朱尚禮等舟師追至俞山外洋見賊連艘而行遂以兵船潛伏山下而以小艇嘗之賊果逐利來追伏兵大起夾擊之羣沉四舟擒其渠魁汪印山陳禮等斬首九十餘級溺死者不計王直之黨至是盡矣是捷也五哨之布公有成算而俞大猷等參錯不進沈家門合蹤公料敵如神而諸將不先事追擊至厘定海之役非公淵度圖機小挫不

折能因敗爲勝且奈何哉嗚呼於是見公之心獨苦矣

按廣東通志嘉靖三十七年正月壬午倭寇自漳泉入揭陽劫掠官軍擊敗之復攻劫饒平破黃岡民鎮提督都御史王鈞至潮州調集漢達狼兵打手鄉夫副使林懋舉等將鍾坤秀等帥師大敗其衆俘賊無算倭寇退走先是嘉靖壬子倭寇初犯漳泉僅二百人真倭十之一餘皆閩浙通番之徒剪頂椎髻以從之然髮根不斷與真倭自別且戰雖同行退各宿食此其異也徵人王直號五峯者始爲倭經紀後統率往浙破黃巖尚書黃綰家以報私怨遂至寧紹蘇松大掠焚殺甚慘總制集湖貴鈎刀手及廣州打手擊敗之直遂就擒其黨毛老許老等遁入舟山至是犯潮州大船一十三艘其徒八百餘人皆潭州溫紹產也突入揭陽縣大家井村劫財殺人房屋盡燬至蓮州千戶所從崩城擁入城中殺死百戶李日芳等報至海道副使林懋舉先往潮州提督都御史王鈞調集漢達狼兵并募廣州新會順德打手未至知府李春芳預集鄉夫禦之及食事經彥案參將鍾坤秀統督官兵至共擒斬真倭從倭一百七十名類鄉夫之功居多狼兵沿途恣肆官目不能制禦徒張聲勢而已十月甲子倭賊三百餘自焚其舟登岸攻劫磚頭北塔等村大肆焚掠守備指揮楊璽被殺凡官軍斬獲必奪其屍去不得枕功璽因枕功致死報聞廣城戒嚴三司往請軍門移鎮已而寇集海豐縣潭衝土賊從倭行劫洋尾四村焚掠男婦死者數千人哭聲遍野懋舉彥案多方禦之民恃以無恐已而倭會

帥衆千餘自漳州突入饒平縣攻劫黃岡民鎮破其城入居之彥案坤秀及春芳鄉夫與官兵併力擒斬一百四十六名類三十八年二月適軍門駐潮州軍威大震肇慶府同知呂天恩與監督協謀沿海鄉夫皆買勇擒斬益多寇自饒平間道趨揭陽縣圍其城彥案以兵救之寇皆敗走南洋灣鄉夫尤勇斬倭會金盞甲者一人其衆大敗俘賊無數會彥案報罷會事殷從儉代之制禦乘勝每戰皆捷黃岡鎮圍聚者悉出遁走還聞於是軍門遂歸蒼梧奏以坤秀統師守之

嘉靖三十八年賊據崇明三沙官兵連擊敗之

按籌海圖編四月賊舟爲颶風所擊登三月沙總兵盧鏜與把總楊尚英迎擊之沉其三舟俘斬二百餘既而欲突入內地爲官兵所截遁過三沙鏜等復攻敗之總督胡宗憲悉其滋蔓徵副使熊桴副總兵劉顯與鏜協攻之逼政唐順之適至乃帥官兵渡海而東與賊相持者月餘官兵屢進獲之賊屢敗舟盡燬賊窮促死拒值提督都御史陳銳告病而去兵餉不繼遂輟圍而西與胡議復遣兵往擊且檄沿海嚴爲之備賊造小舟數十艘乘風雨從北面遁往江北官兵追之弗及賊犯如阜縣官兵擊敗之時賊新至官兵迎擊之首挫其鋒斬首一百六十有奇賊犯通州海門縣副總兵鄧城禦之敗績時狼山新設舟師總兵兵器未備所募浙兵多未經戰倭突泊海門縣楊樹港城率兵禦之戰敗賊犯丁堰千戶王良呂忠戰沒參將丘陞等擊却之賊據丁堰陞從河北縱火焚之邊兵衝入賊營毛葫蘆兵復從南出首尾夾擊敗

之斬其金盞賊首一人賊犯盧家場千戶汪時中擊却之賊從大河口呂四場登者以千計據盧家場時中與把總張大義合兵圍之大義意欲困之且待諸兵齊至然後進擊時中會然曰我等既受委任坐視賊之肆虐民之荼毒而不肯前何也大義固阻之遂與有隙時中單騎提雙刀突入賊營斬賊數人賊大驚異相顧錯愕莫敢誰何似有嘆羨其勇而欲收用之意時中遂賊營後賊追之部兵往救復還奮擊賊大敗走爲之喪氣官兵進搗廟灣賊巢大破之提督御史李遂親提大兵馳淮安馬邏間約與諸將夾擊賊於廟灣賊規知之分其衆一由西亭一由白浦丁堰以牽制我師公令副使劉景韶遊擊丘陞專擊二處賊而親赴淮安以當大敵會總督侍郎胡宗憲視軍通政唐順之亦提青沂兵至相與合勢部分軍伍以待比賊至見兵勢甚盛相顧驚愕盡銳衝我左哨公揮兵四面圍擊俘斬賊八百有奇焚溺死者不可勝計賊奔守廟灣遂督諸將搗巢分番進攻斬級一百五十有奇賊乘風雨宵遁賊掠海濱守備楊縉擊滅之聞賊爲颶風飄至劫掠海濱提督李遂令縉擊滅之斬其酋長八大王孟得山賊入拼茶場守備楊縉陳忠等擊敗之賊由七星港焚舟登岸突入縉等率兵尾擊之連戰皆捷斬首三百有奇參將胡宗義與賊戰於海安兵潰千戶趙世勳撫撫韓引死之時海安故有毛葫蘆營毛兵素食宗義新無紀律毛兵爲賊所餌而敗官兵皆潰世勳與引沒於陣六月副使劉景韶擊賊於劉莊場等處盡滅之時景韶奉提督都御史李遂檄率邊兵逐賊於劉莊場賊大敗

奔張家莊官兵圍之因縱火攻焉賊奔新洲官兵復追敗之俘斬盡絕約三百五十有奇其別支之在曹家莊者亦為景韶所敗奔潘家莊景韶復斬絕之七月副使劉景韶將丘陞擊賊於舊場連戰皆敗之三沙遁至之賊也既而賊遁仲家莊官兵圍困是夜漏下三鼓賊乘雨潰圍而走官兵復追擊敗之斬首三百餘級賊遁七皂洪八月參將丘陞與賊戰於七皂洪死之副總兵劉顯曹克新等敗賊於白駒場賊既為副使劉景韶所敗遁白駒場官兵圍之四面逼出復為官兵敵退同守其巢顯身先陷陣賊死者百餘人乘夜遁大海沙洲顯復陷陣敗之賊潰走走則陷沙塗中官兵又擊敗之俘斬千餘賊沿海北遁官兵追及於七皂洪斬首九十四級又及之茅花墩斬首一百七十餘級賊奔唐家溝復登岸掠食鄉兵追兵競逐之斬首一百四十餘級賊遁出瞭角嘴副使熊輝總兵盧鏗擊敗之賊為劉顯等所窘將遁出海總督胡宗憲預檄蘇松兵備副使熊輝率舟師設伏海上至是賊逸輝率官兵遠擊大敗之總兵盧鏗又追擊敗之 又按籌海圖編是年三月浙江賊巢象山何家磯副使譚綸討平之賊自何家磯登犯者三百餘人據險為巢樹木營以自固總督胡宗憲檄副使譚綸勦之綸與總兵俞大猷計曰壻者報賊甚多而今登犯者止於三百其嘗我乎乃令大猷率舟師備之於海而自率陸兵往禦之至定海即欲進兵將士請曰兵士遠來乞休三日而戰綸曰賊數不過三百人掠不去者蓋謂我無兵耳今聞大兵四集不走且嚴為備宜出其不意急擊之進兵至馬岡賊繼

至者五百人自金井頭而來至近綸即移兵先擊之前鋒既接綸分兵從中衝之賊遂大敗追至落頭斬級以百計賊避入山中竟宵遁焉翌日綸率軍進揭何家磯賊巢賊殊死戰綸遣奇兵從間道出賊後擊破之賊潰入舟中因縱火焚之俘斬略盡賊攻桃渚所攻楚門所賊千餘人自泥湖礁而來賊犯樂清縣參將張鈇迎擊之遇伏敗績千戶胡鳳朱璠胡珊百戶姚憲等死之賊自梅嶼登劫次日至審魯鈇迎擊敗之乘勝進攻賊伏麥田中官兵入其伏遂潰萬等力戰俱死焉賊犯定海縣把總陳其可與戰敗績千戶蔡啓元死之賊自丘家洋入犯為參將戚繼光所敗至奉化之蔣家浦副使譚綸遣其可擊之其可違綸節制乘勝逐北至江口橋為賊所乘遂潰敗啓元死焉賊攻松門衛賊攻夏公畧入犯即日攻衛城即柵浦賈子為巢皆去衛不遠數里四月賊犯樂清縣賊自石馬港入者二十餘人參將張鈇射死其酋二人賊驚潰奔通桃渚圍解時賊攻所城甚急幾至陷沒總督胡宗憲檄副使譚綸往應之綸至入所城與參將戚繼光合攻之俘斬頗眾賊遁首埠依山為固官兵又進攻之復大捷賊遂併入柵浦賊巢參將張鈇敗賊於白沙嶺賊自松海登陸及太平遁至之寇合艘至白沙嶺鈇預設伏以待賊至入伏正兵方合伏兵繼起大敗之賊遁出海去五月柵浦賊夜襲松門衛城副使譚綸等擊破之綸既破桃渚之賊即回軍向松門擊柵浦賊既入衛城以守城卒久而疲且風雨晝暝恐賊乘官兵初至來攻城乃令諸偏裨悉軍通衢以備巷戰而令戚繼光軍分配城守諸偏裨

皆竊笑之夜漏下四鼓果有賊數百襲西門先登者且三十輩殺城卒火城館守者紛紛墮城走章延康陳其可督兵大戰斬數賊賊乃退潛為遁計綸與繼光尾賊後計賊必出金清閘鑿二舟塞之賊果至起塞時綸駐新河所城偃旗示弱計為新河老人遺書於賊約饋千緡令勿攻城賊信之乃不起塞明日繼光軍出壁牛橋誘賊賊果悉眾往綸盡率銳兵出南門復遣人搜賊伏悉走之賊依舟以拒官兵攻之沉其二舟賊大敗奔陸復大敗乃棄輜重越南岸官兵追之及於南灣嶺賊復據濱海高山分五部以拒官兵蔡汝蘭等進搗其巢先令奇兵間道奪其巔以扼其背張左右翼以貫其中遊兵復四面環攻之賊遂大敗斬首三百餘級生擒數百人賊潰圍奔樂清黃華擄舟出海而去副使劉存德參將張鈇進搗海游賊巢平之先是存德鈇令把總任錦等設伏石所莊港口而自督兵進剿之賊知大兵將至即遁出洋伏兵擊敗之追至貓頭洋又敗之追至青門洋又敗之沉其舟數十俘斬數百餘人賊改屯海游官兵進搗其巢盡殲之九月福寧賊流至桐山指揮盧鎬等擊敗之賊掠福建而去為颶風所擊復至桐山鎬與梅魁鄭應麟等搗其巢預遣人伏賊巢中約被擄人為內應而令指揮李光佐與史黎喬伏水北策應之夜二鼓賊巢火起各兵乘亂夾攻賊大敗奔前岐官兵復追及之斬首一百三十餘級十一月賊遁往福建指揮盧鎬等復大敗之鎬等知賊將遁設伏泰順港口伺之賊至邀擊大敗之官兵追至同坑適仙居知縣復益以坑兵來會前後夾擊復大捷俘斬二百有

奇十二月王直伏誅初直自列表之敗而之日本也居五島之松浦僧號徽王類賊入寇皆直之謀其黨承奉方略輒以倭人藉口故海上之寇槩以倭子目之而不知其爲直遣也胡宗憲時爲巡按御史首發其奸人初未之信及賊首董二老被擒譯供與胡所料不爽毫髮人始服其明鑒御史陶承學金洞等交章論曰方今總督大臣調集大兵尅期剿滅將兵非不銳也斬獲非不多也而四面之侵擾愈甚者何也蓋以逆賊之名未正則討賊之義未明討賊之義未明則人心之從違靡定但彼逆之爲計也狡爲謀也祕是以東南士民雖疑爲王直主使而莫可致詰今乞皇上敕下該部會議明揭黃榜正逆賊之罪以明討賊大義率衆入寇助惡煽虐者乃王直之羽翼爪牙也必誅無赦又曰兵威雖振而禍本不拔亂終未已即如王直構亂二十餘年潛形遁跡莫能誰何煽禍連歲此非所謂大奸惡者乎苟欲致其死命在懸非常爵賞見今賞格固亦非輕然爵未及侯伯賞未及萬金人誰樂爲我用以建非常之功哉臣愚以爲宜敕督撫及各有司等官募有能善設謀計俘賊賊首王直者成功之日封拜侯伯其餘量功大小授以都指揮指揮千百戶等官俱與世襲命既下胡宗憲與督察侍郎趙文華謀曰王直遠在松浦居室扈從僭擬王者且不自來其孰能擒之不若以宣諭爲名遣人用間用餌以勾致之禍本塞矣於是交章論列大意欲宣諭日本國王令其禁戢島寇以絕亂階上從之由是遣寧波生員陳可願將洲充市舶提舉以行時胡已爲總督矣指授可願等方略期必生致之

可願等至松浦見王直如胡指直方欲肆志中華以官兵防之嚴未有計得可願語大悅先遣義子毛海峯來探胡意胡知其謀因厚撫之海峯還報直益感悅率諸倭來求互市宗憲預遣總兵參將等官水陸按伏無慮數萬計直至舟山泊列港固已入彀中而不自知矣然胡猶以困獸死鬪爲慮陽許題請開互市授直官爵俾專主海上艘而陰遣人誘之入見直初猶豫未決胡令謀入賊中攜貳其黨其黨稍稍思變直不得已始入見於定海遂執之歸杭州直既就擒黨與無主圖脫走輒爲兵船所迫不得去久之因颶風起意我兵不之防也突走海中輒爲颶風所擊無有存者而王直之黨盡滅矣既而宗憲列狀上請得旨即杭州市曹斬之傳首京師東南二十餘年積寇至是乃絕自後海舶失發縱指示之人始灰入寇之念間有至者輒爲官兵所破若摧枯拉朽矣是年三月福建賊攻福寧州不克遂陷福安縣賊攻州城者凡五晝夜分守參議顧紳督兵固守賊計無所施乃退往福安適淋雨城崩陷縣李尚德恐難堅守督兵出城迎擊賊屯城北山上窺見守兵少遂分艘擁入四月參將黎鵬舉大敗倭賊於屏風嶼海洋屬舉與指揮盧鼎臣攻賊於屏風嶼鎮下門及三沙海洋沉其四舟擒斬一百五十有奇燒溺死者無算時賊乘汎突至未得登劫我兵邀擊外洋擒斬頗多賊皆望風遁去五月賊首嚴山老等遁出海洋參將王麟等追擊大敗之山老連年引倭入寇分艘四掠麟等兵船按伏海上賊由祥芝石湖南潯出海者麟追敗之於大垵島坵自峰頭灣出海者都指揮唐修澄

追敗之於野馬外洋自閩安洪塘出海者參將尹鳳備倭張僑追敗之於梅花外洋山老就擒賊舟沉者七十八艘死者數千人而洪澤珍之徒亦自燬其巢遁去十二月官兵會擊上巡之賊大敗之先是賊徒四千餘人自海壇山登犯副使張情參將會清督兵剿逐屢挫其鋒賊乃移屯上巡蔓延日久提督都御史王詢巡按御史樊獻科令僉事萬民英參將王麟把總朱先等期朔旦搗巢至期官兵夾擊之賊遂大敗死者八百餘人燬其巢死者復千餘人是年二月廣東寇圍揭陽官兵大破之時倭舶入寇軍門駐潮州遣肇慶同知呂天恩與僉事經彥率鄉兵合擊之斬獲甚多寇復趨揭陽圍縣城彥率師救之鄉夫斬金甲賊酋一人賊大敗走俘誠無算會彥報罷僉事殷從儉代之乘勝逐北賊望風而靡黃岡鎮賊亦遁去十一月庚午賊攻海門所官兵擊敗之走犯潮陽復破之先是賊在福建之平和縣與饒平黃岡鎮隔界而壘至是賊首許老等三百餘賊引倭千餘自磊門登陸攻海門所官兵擊敗之賊死甚衆壬申南丹土目莫善等追賊與指揮孫敏擊敗之賊遁還平和丙子許老等犯潮陽縣丞范南卿等率兵擊走之賊由分水關犯黃岡鎮城通判翁愛鯉指揮李榮知縣熊良林叢槐率兵捕之已卯賊至南洋潯指揮馮良佐統目兵黃真莫善分爲二哨千戶黃昇等統募兵打手爲一哨南洋三灣諸鄉兵又協助之大破其衆賊奔聚閩望港口甲午賊出揭陽蓬州都外沙村焚掠皆爲我兵所敗十二月己亥賊寇甌外諸都辛丑賊自平和營於赤寮村揭陽棉湖寨丁未新賊

自福建雲霄突入黃岡戊申闖望賊出掠影塘甲寅新賊與闖望賊合艘出掠甲子棉湖賊突往蘆清官兵連戰皆破之俘斬一百八十有奇

按江南經略崇明縣是年四月倭船突至三月沙劉家港官兵擊敗之賊屯三沙先是兵船憚於出洋潛泊內港賊至多不知偵其滿載而去則襲以為功輸林唐順之毗陵人也冤官家食洞燭情偽每覺額嘆曰痛哉鄉民橫罹塗炭如鬻予肉惜無能弔之至是言官交薦為職方主事奉璽書視軍情至吳密查歷年飛報凡寇賊登劫地方月日與官兵禦避咸編手鏡買民船微行至海上各官兵見之大驚公詰之曰朝廷命吾查究功罪爾曹縱賊殘破郡邑死不可追衆譁然辨公曰某賊於某月日登某岸乃某之信地也不然飛報奚是汝名乎某嘗戰而不勝限於力可怒也某未嘗戰某未嘗策應也案卷可徵爾何得欺我衆相顧語塞叩首不已公問何以自釋衆請立功公曰不然我乃督戰官也爾曹但知畏我臨陣稽考夫豈畏我平日之稽考乎須各具死罪招由用印而藏之我方貸汝衆從之公施不測之術或由江陰出江收劉家河收吳淞江或由劉家河吳淞江出海收乍浦收楊舍收鼇子門收定海驚風怒濤隆冬月黑人不敵行而公獨絡繹於溟渤中間掄將官之潛泊者治之以偶避風對公應之曰或我至不知寇至寧知之乎叱左右縛送軍門諸將號泣而顧公杖之百取其再犯連坐甘結粘連於招由自是將官兢兢焉常哨海中遙望風帆輒疑公至整棚齊截不敢懈四月初九日倭船突至三月沙總兵盧鏡與把總楊尚

英迎擊之沉其三艘俘斬二百五十餘級既而衝劉家港官兵拒之頗有斬獲賊不得入歎曰不意中國之嚴備若此來無益矣且荷延以圖歸乎遂如三沙兵部職方主事唐順之兵備副使熊桴督總兵官盧鏜副總兵劉顯等兵大困賊於三沙總督大司馬胡宗憲檄兵備副使熊桴副總兵劉顯與總兵盧鏜協剿三沙之賊時淮揚之寇未靖亦唐順之督視地方也唐與提督都御史李遂討賊欽聞三沙之報即趨而南白儀部伯倫止之曰士論多疑公避難殆南不可公曰江北賊勢難敗又已搶船包裹不擒即走矣我之去江北而走江南乃去易就難非避難也公至大倉各官兵猶豫不進公曰我兵若不渡海滅賊賊必渡海衝我內地勢不兩立也乃要提督都御史陳鉉親征之陳曰公請先往留我治兵餉接濟公乃督總兵盧鏜等以行密與熊桴計造木城每扇高廣七尺四人昇之四人持銃箭二人執刀隨之連比而進遇蘆葦處先從木橋中發銃箭驅走伏賊刀手從城足刈蘆葦仆踐行而前後發銃箭如初如是者二十餘里我兵得盡登岸遂命撤舟以防賊掠且示我兵無歸意以兵分爲三支每支千人令二總兵及參將分領各級木城爲營晝則據行夜則據守不數日沙地七十餘里悉爲我據賊之所據僅五里而已然賊多智而猛我兵常怯之沙中大家又有爲賊奸細反揚賊勢恐佈我軍者公督各官兵逆戰賊沒濠築土垣貫茅竹潛窺我軍至即從竹筒中發銃箭我軍莫能近公令人舁銅發鐵佛狼機擊賊賊舞刀而出衆棄火器走公怒欲斬諸裨將諸裨將曰兵不敢敵非

將之罪也公不信親率諸將履陣兵望敵皆潰棄諸將與公弗顧諸將策公馬夾擁而旋公巡各營論曰若等不受節制我知之矣誅之不可勝誅逃之不可勝捕也吾欲處汝無難編隊爲團更番而調敢有棄頭目走者查其該隊行令原籍有司追口糧囚家屬梟爾之首爾能逃乎三軍痛哭訴曰逃非本願見賊覩魄耳公問其故曰不嫻武藝也公曰奚而爲兵乎曰向來官兵不戰罔罪故應募以規檐石之需今欲實戰不如願已公曰惡是何言也小民出銀募汝爲捍患耳縱賊殃民屢年我不爾殺方用爾一戰而猶弗諾乎三軍號泣不已或訴鹹潮蒸熱瘧痢傳染公曰從征而歿爾之分也爾等如幸通計不過三千人若縱汝還則賊亦過海海西各郡生靈並罹鋒鏑彼何辜乎我今但用爾因賊無容賊走而另請調兵於總督胡公兵至即換汝矣衆大悅遂相與戮力因賊沙上賊不得逞六月提督都御史陳鉉以告病去候代於丹陽先是唐順之敦陳鉉之約過海督戰兵以鄉官目之弗之畏又敕語督視軍情無生殺權陳鉉假以旗牌便宜行事公恃此嚴明號令儼如提督在陣不虞鉉之上疏稱疾也一得命旨即還蘇州旗牌官皆去巡按御史朱方丁憂巡江御史自五月交代未至諸事皆凡解兵餉不給公莫知所措移書於陳公曰東南不可無公况三沙正在緊急用兵之際願少駐以待事寧此不過遲公十數日還山之樂而東南利害關繫甚大也陳公弗許或諷公曰爾非守土之官也事既畢肘推脫轎子何如曰朝廷原以我爲視軍情官假如高坐省城今日移文督江北總兵明

日移文督江南兵備此等使乖五十歲外人豈智不及此顧江南無一上司賊千二百人未有所掠皆如餓虎若登老岸禍不可言故與兵備兩舟經月在海嚴督將士困賊於一坏沙上至於搗巢之舉則我兵素性須別選精兵俟隙圖之耳吾本愚人只幹愚人事惹出議論不敢計也七月賊勢窮促以沙民屋

賊巢如反掌何獨累我煩難若是又曰江南賊雖走然大受挫凡在三沙者無一生還島舞聞之必數年不敢近邊時順之力主滅賊一時行役者多憾之或議其輕出或責其武功不成或誇其贖貨後因積勞成疾轉官而卒後倭果累年不至蘇松人始知感其恩德云

賊許老等三百餘徒攻海門所城官軍用銃箭擊死倭賊數多壬申目兵莫善等追至石牌水陸並進併孫敏又擊敗之賊遁還平和丙子許老等自海門所至潮陽縣南縣丞范楠卿等率兵壯鄉夫擒斬十九名類併接濟陳匪林世儼四名奪回被擄二十餘名口賊遁回平和合夥丁丑又有賊三千餘徒分三哨從饒平分水關至黃岡鎮城外高拱及府衛署印通判翁夢鯉指揮李榮知縣熊吳林叢槐率兵截捕己卯賊屯於南洋灣馮良佐統目兵黃真莫善分爲二哨千戶黃昇等領各募兵打手合爲一哨南洋三灣

木造船爲逃竄計我兵餉亦將置唐順之曰事急矣賊若渡海而西沿海兵船乏人監督賊必登岸如螳蟹散行不可收拾矣遂以三沙兵屬之兵備熊桴而自西歸申嚴水陸將士約束馳騁陳銳議兵食銳曰我行矣東南事有梅林在君其圖之時天大旱禾苗盡稿公謂銳曰倭寇之患地方猶有限公爲巡撫若不上荒疏而去朝廷不行獨賦賑貸千里生靈誰與造命請問責安所委銳然之即日繕疏入告公乃如杭州與總督胡宗憲計議胡見而訝之曰三沙告急吾方調兵航海策應君胡然而來也公曰勁兵不至賊誰與滅糧餉不繼兵何以生須假我兵食事權方能爲役耳胡如其言公將出定海關而三沙之飛報

按廣東通志嘉靖三十八年十月乙丑倭寇復入潮陽縣參將鍾坤秀會按察副使張子弘嶺東分守參議馮阜謨會事嚴從儉統督官兵禦之屢敗其衆會提督王鈞擢南京都察院右都御史兵部侍郎鄭綱代爲提督即撤官軍嚴討三十九年二月海道副使鄭維誠至四月嚴從儉報罷嶺東分巡僉事齊遇至又屢敗之倭賊先在福建平和詔安一縣與饒平黃岡鎮隔界屯聚時守將鍾坤秀領原調南丹州官族其善目兵一千九百餘人指揮陳鸞領原調田州報効官族黃真目兵一千人於饒平險要茅山分水立二營防截三十八年六月倭報漸近會委百戶朱鉞領募兵五百人鎮撫羅萬麒領團操打手三百人協守俱以指揮馮良佐統之復調備倭指揮高拱部領官軍及鎮撫余盛領募兵共七百餘人防守黃岡鎮城通行各縣諭令小民歸并大村起集父子丁夫互相防守其附郭人民俱移入城內仍行饒平大埔各集鄉夫委官部領把截要害狠兵秋毫無有犯僉事從儉卽治以軍法所至肅然十月乙丑蓬州所報倭船二艘約賊三百餘人從潮陽海口燒船登岸劫掠錢岡村水哨備倭指揮孫敏擊斬倭級二顆十一月庚午又有倭賊千餘從招寧巡司河渡磊門登岸同海

諸鄉兵又協助之擒斬三十八名類奪獲接濟三名井被擄人口賊仗馬驢等物乃搶船而奔聚於關望港口官兵追至楓洋對岸甲午賊出揭陽蓬州都外沙村焚掠擒獲七名類有陣亡者隨募兵及烏汀背大家井村鄉夫協剿之而提督交代新令益嚴守備指揮陳學翦亦至武生詹弘道等亦督兵助攻十二月己亥賊往寇隴外莆都官軍斬獲二十名類會庠生謝弋鳳家丁一百名爲軍門取用以千長蕭善文領之援例典膳秦金製造火藥子母炮九龍鎗神枝箭各數百枚亦領至辛丑賊自平和營於赤寮村劫揭陽棉湖寨軍門發目兵五百餘人令學翦截捕丁未新倭賊自福建雲霄突入黃岡余盛哨禦之至有殺傷賊遁往東嶺戊申賊自關望出營往彩唐官軍斬獲二十七名類甲寅新倭合關望大夥官兵營於源頭塘湖適海道副使鄭惟誠至會督水路官軍指揮武尚文部領兵船亦至張子弘同司己未賊自關望出劫官軍目兵鄉夫共斬獲併獲奸細共六十七

款至是月十六日四更風雨大作賊乘間由北洋遁去次日犯七星港登岸公聞之一面查論將官縱賊之罪一面赴江北勦賊提督都御史李遂謂公曰君在江南不能滅賊而縱之馳突我今方略已定早晚滅賊矣君又來撓我事何耶公曰賊至三月不會流毒江南地方亦不能掠民財皆我力也我乃看人行事之官原無兵柄而焉能罪我哉且朝廷原教我視軍情江南北皆我責任也而焉能辭我乃相與戮力勦賊未幾賊平公歸語人曰使江南有一李克齋揭

方輿彙編邊裔典第三十七卷日本部

第二一二冊 之〇五葉

名類秦全領鄉夫銃手一千人仍起集三灣鄉夫一千人多給藥銃協同防捕甲子軍門發目兵六百八打手三百人續至賊自棉湖寨突往蘆清官軍生擒從倭土賊二名并馬一匹

按謝顧紀淮揚之捷云江北之有倭患自嘉靖乙卯始淮揚故多大賈富戶賊至屬厭以去自是歲以為常丁巳之夏劇賊千餘人深入天長泗州祖宗陵寢幾至震驚廷議特設提督都御史而以豐城李公遂至即立什伍之法定應援之規練鄉兵嚴保甲設將官築城垣造戰艦為水陸戰守之計賊知有備船泊掘港者不敢登岸而去江北賴以無事已未賊萬眾連艘分道並入中外震恐時四月一日也公閱兵通州計賊若從海門西亭趨如皋則通州在賊外乃兼程趨通泰州而以副使劉景韶遊擊丘陞駐兵如皋以扼要害檄各路兵進黃橋海安等處援應已而賊至益多我兵迎戰挫其前鋒賊果出西亭知如皋有備遂由通州東趨白蒲鎮公計賊深入利在速戰戒海防等兵據丁堰東北堅持不出時東南風急我兵不便迎擊公顧天以祭風即回連三日乃擐甲誓師斬不用命者人皆踴躍以進又計賊過如皋必由黃橋秦興犯瓜儀則糧運阻梗雷都搖動若驅之富安以北海東出無能為矣乃身當泰州之衝而以黃橋西路責劉景韶等賊求戰不得進據丁堰丘陞從河北縱火焚之邊兵衝入賊營毛葫蘆兵復從南出首尾夾擊賊退屯二十里連日接戰斬其金盃賊首一人日且晡我兵少却賊進至如皋公計其必奔揚儀趣與海防遊擊兵從間道越過賊前徑趨泰州若

以為西路之防其實於泰州待敵也執賊黨潛入城為內應者賊未至二十里輒從富安沿海東出我兵追躡賊後公戒無輕戰晝則逼令不得入駐夜則退屯以防衝突公親提大衆馳淮安馬邏之間約與諸將夾擊於廟灣賊聞知之分其衆一由西亭一由白蒲丁堰以牽制我師公令劉景韶丘陞專擊一賊而身赴淮安以當大敵丁堰流賊至曹家堡與我兵遇逐北至潘莊全夥覆沒公至淮安而總督侍郎公宗憲與視軍通政唐公順之亦提青沂兵至相與合勢公乃部分中軍馬兵為前驅曹克新兵為中哨青州邢鎮兵為左哨沂州何本源兵為右哨中軍倪廉梅三錫合曹沂徐邳等兵為後繼列陣於姚家蕩以待初賊計我兵綴於丁堰之賊急走淮安欲掩其無備比至見兵勢甚盛相顧驚愕盡銳衝我左哨公揮兵四面圍擊俘斬八百有奇焚溺死者不計賊不得已奔守廟灣於時西亭之賊夜走海安諸將不能禦公以廟灣賊垂盡恐揚儀有失乃親往揚州而視師唐公援兵亦至時賊已奔張莊因益兵赴援海安而與唐公俱還廟灣諸將搗賊巢令軍中多具斧鍤先填溝港毀民舍之傍賊巢者我兵分番進攻斬級一百五十有奇賊乘風雨夜遁而西亭亦以全捷來告無何閩中之賊近百人為颶風飄至沿海轉掠來去無定蹤不可力取公設計令守備楊緒擊滅之斬其酋長八大王孟得山崇明三沙之寇潰圍而來時海門狼山如皋泰州揚州俱潛有備賊由七星港焚舟登岸深入拏茶場楊緒陳忠等兵尾擊之自是連戰皆捷斬級三百有奇賊乃竟走海塗而公已宿戒

沿海無得泊舟以是賊不得去復敗之於劉莊會唐公遣副總兵劉顯適至公益以親兵使與賊戰賊連敗走竹堰仍沿海北遁我兵追及之於七壩洪斬級九十有四又追及之於茅花墩斬級一百七十有奇賊奔唐家溝僻遠無兵守禦復登岸掠食而公故所練鄉兵與追兵競逐之斬級一百四十有奇賊遂盡絕是役也自夏及秋僅四閱月前後斬戮焚獲不可勝計其成功之偉何如耶公以文臣特起其所建立卓卓如此真足以宣揚朝廷之威發舒華夏之氣豈直淮揚之利而已哉

欽定古今圖書集成方輿彙編邊裔典

第三十八卷目錄

日本部彙考六

明五嘉靖四則 穆宗隆慶一則 神宗萬曆

邊裔典第三十八卷

日本部彙考六

明五

嘉靖三十九年賊犯福建廣東官兵皆擊敗之

按籌海圖編嘉靖三十九年正月賊陷永寧衛陷寧

德縣參將王夢祺知縣李堯卿與戰死之二月犯泉

州府三月攻平和縣賊首蕭雪峯張璉等引倭千餘

自大埔及三饒嶺來攻縣城官兵出城夾擊之賊遂

退屯承坑攻大金所五月月港之賊敗遁出海官兵

追擊大敗之先是賊巢月港官兵於泉州海倉白石

鎮海野馬井尾等處擊之皆勝至是遁出海洋參將

王麟追及於古浪東砵鎮海山把總邵一柱追及於

刺尾嶼五戰皆勝之沉其舟數十斬獲數百賊首徐

老許西池王老及日本頭目尚乾皆就擒所部三千

餘徒悉溺死無遺七月賊自廣東來寇官兵擊敗之

賊復入廣東謝賊等突入走馬溪勢極猖獗把總

徐濂沉其數艘賊大敗遁去官兵乘勝追至廣東南

澳外洋大捷而回八月賊入安溪縣是年正月廣東

官兵會擊閩望之賊大破之時賊為官兵追急移屯

潮陽貴山都屯指揮武尚文及鄉兵連戰皆捷賊改

營古嶺乙酉賊遁往南洋海與睦泰金與官兵合擊

大敗之斬首三百七十賊潰渡河官兵邀擊之復大

捷戊子賊祭江而來普復南洋灣之仇尚文等官兵

又大敗之甲午古嶺營賊出掠官兵又敗之二月戊

戌賊復回平和沙嶺己酉賊至大窖橋官兵又勝之

戊午賊復來掠守備兵擊之賊大潰俘敵八百有奇

四月官兵會擊潮州之賊大敗之僉事齊遇與海道

參將會師擊之擒斬三百六十殘賊悉遁

按廣東通志三十九年正月癸酉移營往潮陽貴山

都屯府縣督鄉夫及官軍斬獲十一名類泰金等官

兵用銃擊死數多丁丑武尚文水兵斬獲六名類賊

又移營於古嶺官軍追之四月乙酉賊船自閩望港

口往南洋登岸攻圍危急泰金兵及鄉夫用銃砲火

箭擊死尤多官軍急赴援協力大戰自寅至午擒斬

三百七十三名類賊潰走渡河官兵于英謝弋鳳及

鄉夫邀擊擒斬七十四名類俘內有自嚼舌死者餘

俘及被擄譯字小厮胡器解赴軍門戊子賊出營祭

江誓與南洋灣復仇武尚文等官兵擒斬五十二名

類于英等擒斬四十二名類鄉夫斬獲六級其在古

嶺者斬獲一級壬辰賊在閩望者出營修船官軍擒

斬二十四名類甲午賊自古嶺出劫官軍擒二十一

名類二月戊戌賊復回平和沙嶺官軍斬獲一級奪

回被擄男婦數十人已酉賊遁走至大窖橋目兵邀

擊之斬獲頗多戊午賊分哨四百餘徒乘馬百十餘

匹守備兵擊之擒斬三名類賊大潰官軍乃得杙功

凡俘敵八百有奇被擄走回者二百餘人獲賊馬十
餘匹器仗無算四月殷從儉致仕疏允適領東分巡
僉事齊遇至與海道參將會師擒斬三百六十名類
殘賊悉遁

嘉靖四十年浙江官兵擊倭賊屢大敗之

按籌海圖編四月官兵擊賊于馬鼻沙坡大敗之賊

新至官兵遇之于海洋中追逐至馬鼻沙坡大敗之

賊奔陸適冠帶把總章延慶守于舟山引兵設伏又

約水兵合擊之賊遂大敗賊犯烈港總兵盧鏗擊敗

之犯新河官兵擊敗之賊自過洋港登劫僉事唐堯

臣遣指揮劉意等擊敗之復用火攻賊死者百餘人

遁往太平漁嶺復追敗之賊犯台州參將戚繼光擊

敗之賊自桃渚登陸流至台州為繼光所敗追至新

橋又敗之賊走死者百餘人而繼至者復二千餘人

至黃沙為繼光所敗乃登山以拒官兵復追敗之圍

于白水洋居民火攻之賊遂盡絕是役也賊多兵寡

而我兵九戰皆捷俘斬千餘人焚死者稱之五月賊

犯大嵩官兵擊敗之賊為我兵所逐出至橫嶺扼干

水兵不得去乃奔入結埼副使王春澤檄總兵盧鏗

由南路奉化以入象山而自引兵由大嵩望湖頭裘

村進期與合擊通賊至裴村官兵擊之賊大敗潰斬

首四百五十餘級百戶徐昭與賊戰于海山外洋死

之百戶焦涇追賊出海死之官兵擊賊于長沙大敗

之斬首級數百生擒倭酋五郎如郎健如郎等數十

人閏五月賊遁亂礁洋非山總兵盧鏗追擊大敗之

是年正月福建安溪倭賊流犯長泰同安等縣官兵

追擊大敗之賊自安溪為官兵所敗遁至長泰典史

葉露百戶金環敗之乃往同安復為鄉兵所襲奔竄石齒海濱五月賊攻寧化縣賊來攻縣城知縣陳添祥擊敗之攻詔安縣先是賊首陳思遠等潛入城內主奸民林勳家為內應外合之計知縣龔有成防計頗嚴賊計不得施乃自內殺出思遠就擒而勳等為內應者凡數十家至是皆敗聞五月賊復攻寧化縣賊人在縣近郊時來攻城官兵擊敗之遂偽為遁計知縣陳添祥謹防其再至賊果分布四門一時突擊又為雲車一乘覆以牛革屢以大砲佛狼機殲賊而賊之在雲車者來愈力乃出打手二百人下擊之賊乃敗走

按沈明臣紀寧台溫之捷倭人入寇東南惟浙為最甚浙受禍惟寧台溫為最甚而我總督軍門少保兵部尚書胡公為御史時自王江涇捷後我兵始有生氣至今官凡五轉而大捷者十有三徐海王直擒而禍本去矣戊午冬舟山既捷而我兵告罷戰者二年我總督公安不忘危日暮東鄉望思研扶桑而溼之海誓曰余不特倭之不來特吾所以待倭來者耳益繕甲整戈峙糧治艦選將練士惟謹水陸分地刻期防汛惟謹示戰守機宜約束東惟謹畫策萬全兵氣振厲人人無不樂為死者辛酉夏四月忽並海郡縣報賊艘從外洋來者日數至而合象山奉化寧海瑞安樂清諸縣中中大嵩郭衢桃渚新河楚門健跳隘頭諸所報船不下數百艘賊不下一二萬人而所登犯地散至數十處人情洶洶檄書人馬交錯于道公顧從容燕笑自若徐罵曰桀黠賊投耳撲滅之在旦夕也乃籌筆授方略密封付使者馳去各海道

兵備分守巡總兵恭將諸官而遣遊擊將軍王應岐何本源即日督發大兵二萬六千人并調參將呂圻部兵先往同所在官軍擊之公乃十日社禩載肅臨止厥地至則親履戎行不逾二旬而捷凡九奏所向靡不摧破震赫風霆電掃影滅而白水洋戰為最奇云先是四月十九日倭船一艘望小展至馬魯沙坡公所督部兵及守備盧相等兵擊殺舟師賊遂奔岸時帶管海道副使王春澤調守舟山把總章延廉率陸兵至即伏為應水兵從下急追伏者起來擊之賊大敗溺死者無算斬首三十五級我兵死者三人越二日烈港中大草撤船一艘來公所督部把總周果統林仕貴及盧相等船與賊三十餘戰用銅發鑪佛狼機諸火具斃之溺死者無算斬首五十有奇而兩頭洞賊船一艘把總董華斃之溺死者無算斬首若干而犯象山者乃王海道奉軍門方略會同總兵盧鏗調度分守參議唐愛協計與前所督發王何二遊擊大兵呂圻部兵進剿之其犯大嵩者我兵逐出橫山各水哨又伏候外海故遼巡海口不出五月初一日夜燒船奔鮑埼乃王海道會同盧總兵何遊擊分兵南路由奉化入象山而海道兵由大嵩入裘村亦趨象山前賊適入我兵中路初二日賊出岳林莊盧總兵何遊擊鼓行前趨相去二十里各遣兵趨合呂參將王遊擊兵前後繼發初三日賊至裘村分三陣迎敵海道把總胡良瑤李超等兵先至遂陷陣先登各銳兵殊死戰數合賊大潰斬首一百五十七級我兵陣亡者三人初八日梅山港賊三艘計二百餘人突入天童小白東吳呂圻追至東湖哨兵湯時茂等

斬賊會一人遂夜遁石橋湖頭橫溪奔入山徑走海道即遣中軍指揮艾升由小路徑出賊前呂圻追尾賊後至白杜兵合賊屯余家店各兵用火攻之燒死者不計潰出朱家店者各兵夾擊之章延廉兵生擒二人斬首五十六級呂圻斬首二十一級我兵陣死者各營共三人至暮收兵一賊負傷竄山中千總汪廉斬之皆提嶺下軍波遂平先是海道諸兵前副使譚繪實訓練之極精銳而譚以憂去居無何會王副使來實能守譚成法較若畫一而成功若此非耶前四月十九日又鳥嘴船十六艘由象山從奉化西鳳登岸夜突至寧海縣一都團前是時松門海門俱無警乃台金嚴兵備僉事唐堯臣參將戚繼光將原發松海二關扼守陸兵三枝撤回繼光親督二枝趨寧海甯一枝創海門中地備警分發中軍遊擊兵協守新河所會行把總任錦兵船速出寧海外洋伏擊又行寧波海道總兵各發官兵水陸會剿二十二日賊知戚參將至寧海遂乘虛以大船五艘竄入桃渚大城港裏浦登岸計五百人有奇是日又三艘入新河過洋港登岸次日又五艘亦從過洋港登岸與前賊合共計五六百人二十五日又七艘入健跳折頭登岸計二千人有奇戚參將日犯桃渚犯健跳者勢尚緩週洋逼近新河所城賊又前後繼至宜急擊之而會軍門批唐僉事申列賊狀有云賊雖分侵不可墮其計中輒便分兵應策當併力合勢先討其重大者然後以次勦除唐僉事乃與戚繼光奉令惟謹即部署諸兵疾趨新河擊之又令黃最太平二縣號召程梁等姓鄉兵助戰賊懼夜駕五船遁去餘屯城外

鮑主簿家二十六日擁衆薄城下攻城唐會事與戚繼光原授軍令相與協謀調度曲應廣畫以機桶劉意張元勳胡守仁等分立列陣密授方略使奇正相參各以縣尉武生等監督之而給餉秣運器械斷要害固封守審堅瑕援擇策應者各有屬既定乃申明用命不用命誅賞令甚肅驅死士衝鋒而先用烏嘴銃與賊對擊千百總哨隊長蔣葵實等奮勇先登力戰良久賊遂潰亂傷甚奔原巢死烏銃者六十餘人各哨共得首級三十顆是夜二更賊冒雨由太平縣遁走旦日劉意樓桶兵追至溫嶺大麥坑太平知縣徐鉞亦督鄉兵會剿共斬首二十二級餘賊奔田舍中者燒死之突出火者遁溫州前犯桃渚裏浦賊是日亦流至台州府城外花街戚參將即自桐嶺嶺馳抵城下時各兵尚未炊以大義諭之各兵勇氣百倍無不爭先躍起乃鼓行而前以丁邦彥爲前鋒陳大成爲右哨陳濠胡大受爲中哨趙紀孫廷賢爲左右翼各置監督奇正衝伏各有指特角聲援各有屬乃齊陣而前至花街約二里賊以一字陣迎敵丁邦彥部下列銃分番銃殲賊十餘人各兵乘勢擁殺賊乃分右哨敵我左哨丁邦彥反擊其左賊又分左哨敵我右哨陳大成反擊其右於是旗鼓盡變奇伏俱出賊乃敗北奔陳大成兵追至瓜陵江下賊奔水死者二百有奇而前陣中斬首三十有九丁邦彥兵追至新橋五戰五勝共斬首六十有一生擒倭酋一人二十九日胡震于邵山下擊沉大倭船一艘死者計百餘人生擒倭酋一人斬首八級三十日前登折頭大殺賊二千有奇自燒船南突府城戚繼光部兵已分

留守新河隘頂二所可戰者千五百人賊衆我寡繼光曼之又恐流犯內地勢當速滅乃與唐會事厚犒之懸千金爲衝鋒者賞繼光又盡出箇中銀酒具散之又監軍知縣趙大河登壇誓衆申論大義語棘棘動耳目氣烈烈振山嶽兵乃踴躍受令靡不一當百五月初一日繼光即率部卒至大田設伏待賊賊至亦設伏待我我雨不戰越二日賊徑出大石往仙居戚繼光曰賊出中渡由裏路至白水洋七十里我兵由官路至白水洋五十里兵法云先處戰地而待敵者佚且以寡禦衆非謀不克而臨敵交鋒我少彼多必兵心激發乃勝遂策馬鼓行四十里至上風嶺屯止多令探者出賊前後視其何往知狀即率兵上嶺設伏初五日前鋒兵出頗早繼光乃下令令人各砍松枝一樹執而坐賊望之爲林不介意行列二十里衣甲旗幟甚盛我兵對山瞭之俟其行過半乃仆松吶喊齊出賊驚以三四百人作一字陣衝來我兵分爲一頭兩翼一尾陣以太學生蔡汝蘭左蒸監督而陳惟成陳法陳蚤楊文通等俱趙大河監督以爲奮陣衝鋒擁殺風受令不許取首級疾若風雨有前無退賊遂敗遁上一小山然猶格鬪不已丁邦彥兵出裏路徑擣山下四面仰攻之而戚參將乃樹白高招一竿於北山下令兵大呼脅從者從招下走者數百人賊復上大山我兵又仰攻之賊又大敗奔上界嶺山嶺山嶺陡峻如柱上平廣賊立營其上若蓬麻然只一徑可攀陟丁邦彥等首先攀援貫貫而上吳惟忠等繼之數賊前來從上斫下我兵用長鎗鎗賊墮巖下遂得登頂之我兵盡登賊六七百人齊來

交鋒我兵戮力大戰賊敗走四散投落坑壑林谷間死者不計走者奔白水洋朱家店我兵乘勢急下追圍火四面起賊屢突出不可得趙大河親弟趙爾甫率兵舉烏嘴銃擊之死者不計又四面拆牆石投之賊急登屋亦用石與銃投我牆盡各兵逼圍屋下亂投石銃諸物如雨賊不支巢內高屋火炎炎起賊益急亦亂投刀鎗諸物出中我我兵鎗斃林立隨格之不一中賊燒死者不計而餘孽膽怖魂飛捧銀物擲首頓額哀號乞生我兵用狼筈挑其銀物并所擲首疾殺不一顧諸物居有頃賊盡死積屍高丈初六日戚參將自戰所班師入府城老稚士女歡呼咸謂自羅倭毒以來無如此捷大快也乃壺漿迎道左而唐僉事率府司草實元黃以迎焚死者不在算而共計斬首三百四十四顆生擒者若干而我兵亡者止三人陳四陳七十二即前入巢放火者王華廿一即前山下衝鋒者是時兵實千五百人而一鼓殄二千餘賊于呼吸間全師奏凱可不謂奇耶時戚參將方入城犒衆未罷楚門所又報賊船十餘艘繫泊于江者登梅嶼乃急發胡震兵伏截外洋而遣樓桶兵陸走至洋坑冒雨大戰桶親斬賊酋一人而朱文林等共斬賊十二人生擒一人餘船盡開至長弔洋會前所發胡震兵迎敵擊沉五艘燒殘五艘至夜賊拖殘船出海繼光部下兵船又擊沉五艘追擊一艘昏黑不取首級而日所斬首二十餘級生擒賊酋二人次日胡震又于沙鑊洋追賊船十餘艘至仰月沙賊乃遁懸山我兵用三板船載烏銃弩手伏巖口候擊之至三更賊果乘雨霧追走我兵擊沉一艘斬首四級餘

遂奔回懸山我兵圍之至旦日五更賊約百餘人復渡水走至林頭繼光乃督樓櫓兵由隘頭所迎其前劉意兵由聶王橋徑進紹興府通判吳成器兵繼進而知縣徐鉞督鄉兵伏截藤嶺至小藤嶺三路官兵夾擊之賊窘急徑奔吳成器陣成器督戰益力賊鎗及成器馬腹成器一矢射中賊面死各官兵四面力戰盡殲之共斬首五十一級而餘盡溺死五月十七日又前犯寧海圍前遁賊十八艘至長沙登劫約二千人有奇猖獗益甚砍採竹木欲巢長沙將南攻隘頭所北攻太平縣盡斃鉞所掠男子耕作是日繼光在新河所聞之即與吳成器趙大河撫諭兵士示以對大敵之策盡出所蓄賞懸給賞格如前下令不許取首級輻貨如前乃兵氣益揚而繼光又曰賊巢逼近隘頭所城城又孤危賊所泊長沙地又北扼太平之路于小藤嶺東扼松門之路于漫遊嶺楚門隘頭二所又勢孤路絕止水路浮海可援而又為賊船所出沒處奈何乃先令把總李成立單騎馳往松門衛將所練親兵與羅繼祖分船夜浮海入隘頭所城守之隘頭固乃用樓櫓丁邦彥陳大成等各立軍令誓狀云事異則分心同則堅遇有征調各營輪日衝鋒以一營當前以一營尾後以一營分翼左右同心并力不計斬獲多寡功同賞罪同罰等議隨用印鈐示衆使各遵守如令繼光亦誓天明神以發十八日至鐵場大雨十九日夜半至大藤嶺分三路進至小藤嶺偃旗息鼓直趨船所賊始覺分兵迎敵我兵齊擁攻殺遂大披靡四走各兵追殺無一遺者共斬首級數百生擒倭酋五郎如郎健如郎等前後數十輩是

為長沙之捷每臨陣戚參將率各將士諭以軍門好生之仁寧無功級不許妄殺脅從一人以故前後被擄者俱得生還前四月二十日溫之瑞安縣周縣賊由梅頭奔突者五百餘人參將牛天賜通判楊岳把總梅魁等殲之傷而死者不計生擒一人斬首十三級餘潰走二十四日牛參將同兵備副使凌雲翼把總盧錡武生黃允中指揮李光佐千戶張榜等兵分三路進剿殺死三百餘人衣紅衣渠魁二人軍中令不許爭首級故斬獲止五十有奇而是日楊岳梅魁陳應等兵由瑞安後路策應生擒斬首共十餘人賊潰出海三十日又賊二百有奇自台州流突樂清縣界凌雲翼預調王欽兵牛天賜督之至密巖嶺伏截賊遂走雙陡門天賜兵追擊之斬首四十五級餘奔江水死而竄林薄中去者三十餘人至五月初日追斬于閩浙界上生擒一人溫州平而是月之四日盧鎰水兵船與海道把總黃應選等船分布青龍港遇奉化遁賊七艘向錢倉行外洋去者擊沉三艘值大雷颶風昏黑溺死漂失者不計撈斬首級二十顆是役也計前後擒斬共一千二十四名級而焚溺死者莫之殫計蓋無一人生還者而旬日間三郡寧謐疆微清平脫遺黎于鋒鏑而帖之席歡聲動天地歌舞太平以其戴天子休德誰之賜歟誰之賜歟我總督公開誠布公能任人善將將賞罰明肅頑畫奇計不動聲色而出自漏衷賊狀葬情坐照千里又親臨督調先聲奪人所謂心戰為上力戰為下者非耶以故將領人人得以自効而白水之役以寡克衆而仰攻劫敵兵法所忌然卒取奇勝此其故何歟寔公用威

參將繼光趙縣令大河同心選練義烏赤城等兵使之有勇知方見利不動故一可當百足起水火雖古名將不能出公右矣而忠誠一念食息不忘捐身許國誓不以賊陷君父憂此又其大者明臣無似以書生佩刀筆待罪幕下竊所聞于諸將校者退而論撰如左掛一漏萬豈足云紀盛事哉聊用稗官所識以備野史氏採擇焉

嘉靖四十一年倭陷興化府移據平海衛按明外史日本傳嘉靖四十年浙東江北諸寇以次平宗憲尋坐罪被逮明年十一月陷興化府大殺掠移據平海衛不去初倭之犯浙江也破州縣衛所城一百數然未有破府城者至是遠近震動亟徵俞大猷戚繼光劉顯諸將合擊破之其侵犯他州縣者亦為諸將所破福建亦平其後廣東巨寇曾一本黃朝太等無不引倭為助

嘉靖四十四年倭賊犯太倉三沙巡按御史溫如璋等討平之

按江南經略賊自三沙受困之後不敢覬覦蘇松越六年人心懈弛將士玩愒兵備副使耿隨卿與太倉州署印州同蕭奇勳相與憂之隨卿周歷沿海申嚴號令稽察將領奇勳則潛募壯士備火藥廣儲蓄為戰守計四月十六日賊舟由大衛山南行者甚衆由羊山西行者七十餘艘蓋欲犯蘇松也適捕黃魚船數百艘在洋協力與戰賊懼而去零賊六舟突犯三沙下脚隨卿檄副總兵郭成參將田應山都司邵應奎等往擊之而自與蘇州府同知劉一麟出劉家河督戰將士不能規避賊見官兵大集遁往江江北北

兵拒之不得遂十八日復回縣後沙川心港郭總兵與鄧都司江北缺參將大兵三枝因賊于絕地者五日賊勢大促而我兵觀望莫敢擊二十三日颶風大作福蒼八槳等船久不修煖被散飄溺兵得上岸者賊輒殺之莫紀其數舵工捕盜火器資糧皆爲賊有識者恨之二十四日兵備道新調兵又集賊遁出洋官兵追之莫及是夜三沙又到賊舟二隻吳家沙新皂沙響沙皆有賊焉先是巡撫都御史周如斗以迎護景藩喪往安慶府飛報不能卽及巡按御史溫如璋在宜興縣星夜馳詣太倉謂諸將曰賊至淡旬若曹不能立尺寸功而更損舟師罪在罔赦若三日不能破賊必以失機奏聞諸將懼請効死戰溫公乃取兵備道兵及同知蕭奇勳所募兵往三沙助戰而以指揮朱先武昌祖爲蒞陣官耿隨卿又遣參將田應山策應之大兵既集火器資糧皆稱竭乃將士規避故習也蕭同知以其平日所備應之隨取隨足未嘗踰時將士無以藉口如璋遣火牌督戰甚峻蕭同知解懸賞銀二千兩亦至人心大悅二十六日諸將奮力與賊戰于三沙賊敗走縣後沙官兵追擊之沉其舟一艘賊登陸爲官兵擒斬十八名顯鹽海死者不與焉遺賊一舟遁往高家嘴總兵郭成先以陸兵列沙灘左右而以舟師逼賊且火其舟賊不得已登陸則前所遣陸兵與兵備道兵蕭同知兵四面夾擊賊大敗生擒三十七名斬首七十有七餘賊伏叢莽中郭總兵遣通事往諭之賊降者二十人其不肯降者尚伏莽中夜半盜沙船欲遁沙兵覺之殪于海中又二十餘人是戰也總兵郭成參將田應山都司邵應

奎之功固多而陷陣先登則兵備道及蕭同知兵之功尤不可誣因溫耿威令禁槍首級故苗兵得攘之爲己功云五月官兵擊賊于三沙外洋大破之巡撫都御史周如斗開海洋有警自安慶馳至太倉適縣後沙先捷巡按御史溫如璋巡江御史尹名缺犒將士于本州教場偵者報洋山殿前山淡水門賊船一艘且至三公相謂曰方今有事正駕馭將官之時雖例有宴可廢也卽遣總兵郭成率將士擊賊成遣都司邵應奎等自三沙向東南行而親督把總車榮等從高家嘴東行會合截殺及于三沙東南外洋賊大敗生擒六名斬首十六級死洪濤中者不計二舟皆犁沉賊無孑遺矣先是耆民多崛強與舵工相推諉臨陣規避縱賊當道雖素知莫如之何署印州同知蕭奇勳謂此輩左結以恩訪者民中知兵者優禮之有過恕之臨出海厚犒之者民感激爭盡死力故得以成功云

穆宗隆慶 年倭破碣石等處

按明外史日本傳隆慶時破碣石甲于諸衛所已犯化州石城縣陷錦囊所神電衛吳川陽江茂名海豐新軍惠來諸縣悉遭焚掠轉入雷廉瓊三郡境亦被其患

神宗萬曆二年倭犯浙東寧紹台溫四郡又陷廣東

銅鼓衛雙魚所

萬曆三年倭犯電白

萬曆四年倭犯定海

萬曆八年倭犯浙江韭山及福建澎湖東湧

萬曆十年倭犯溫州又犯廣東

按以上明外史日本傳云云
萬曆十六年擊倭寇大捷會日本王爲其下所弑平秀吉盡統其衆欲以犯中國不果

按明外史日本傳萬曆十六年犯浙江然時疆吏懲嘉靖之禍海防頗飭賊來輒失利其犯廣東者爲艇賊梁本豪勾引勢尤猖獗總督陳瑞集衆軍擊之斬首千六百餘級沉其船百餘艘本豪亦授首帝爲告謝郊廟宣捷受賀云日本故有王其下稱關白者最尊顯時山城州渠信長爲此職偶出獵遇一人臥樹下驚起衝突執而詰之自言爲平秀吉薩摩州人之奴雄健驍捷有口辨信長見而悅之令牧馬名曰木下人後漸用事爲信長畫策奪并二十餘州遂爲攝津鎮守大將有參謀阿奇支者得罪信長命秀吉統兵討之俄信長爲其下明智所弑秀吉方攻滅阿奇支聞變與部將行長等乘勝還兵誅之威名益振尋廢信長三子僭稱關白盡有其衆時爲萬曆十四年於是益治兵征服六十六州又以威脅琉球呂宋暹羅佛郎機諸國皆使奉貢乃改國王所居山城爲大開廣築城郭建宮殿其樓閣有至九重者寶婦女珍寶其中其用法嚴軍行有進無退違者雖子壻必誅以故所向無敵乃改元文祿并欲侵中國滅朝鮮而有之召問故時王直遺黨知唐人畏倭如虎氣益驕益大治甲兵繕舟艦與其下謀入中國北京者用朝鮮人爲導入浙閩沿海郡縣者卽用唐人爲導應琉球洩其情使母入貢同安人陳甲者商於琉球懼其爲中國害也與琉球長史鄭迴謀因進貢請封之使具以其情來告甲又旋故鄉陳其事於巡撫趙參魯